

STJÓRNARTÍÐINDI B 57 – 1990

6. september 1990

1033

Nr. 364

REGLUGERÐ

um breytingu á reglugerð nr. 188 6. apríl 1988 um slátrun, mat og meðferð sláturafurða, sbr. breytingu með rg. nr. 434/1988.

1. gr.

Úr c-lið 1. mgr. 17. gr. falli niður orðið limhögnir.

2. gr.

Tafla yfir merkingu og mat á dilkakjöti í 2. mgr. 17. gr. orðist svo:

| Vaxtarlag/vöðvafylling | Fitumörk | Merking |
|---|---|--|
| ÚRVALSFLOKKUR: Sérlega vel vaxnir og vöðvafylltir skrokkar með jafnri fitudreifingu | Síðufita ekki yfir 9 mm. Fita á baki ekki yfir 3 mm. | D I-ÚRVAL gulur miði. |
| I. FLOKKUR: Sæmilega vaxnir og vöðvafylltir skrokkar. | A: Síðufita ekki yfir 11 mm. B: Síðufita 12–14 mm C: Síðufita 15 mm og þar yfir | D I–A hvítur miði D I–B dökkblár miði. D I–C dökkgrænn miði. |
| II. FLOKKUR: Fremur þunnvaxnir og holdrýrir skrokkar. | | D II ljósblár miði. |
| III. FLOKKUR: Mjög holdrýrir og útlitsgallaðir skrokkar. | | D III ljósgrænn miði |
| D–X: Minniháttar mar eða verkunargallar. | | D–X |
| D–XX: Mikið mar, meiriháttar verkunargallar, blóðlituð fita eða fita sem ekki storknar. | | D–XX |

Þyngdarflokkar:

- 6: að 12,7 kg
- 2: 12,8–16,2 kg
- 8: 16,3–19,2 kg
- 4: 19,3 kg og þyngri

3. gr.

32. gr. orðist svo:

Dilkaslátur.

Heilt, nýtt dilkaslátur til neytenda skal vera: $\frac{1}{4}$ l af blóði (án umbúða), afhyrndur haus, vel sviðinn, klofinn, fullhreinsaður og ekki undir 1,1 kg að þyngd (að meðaltali, séu slátrin fleiri en eitt), lifur, hjarta, nýru, vömb, keppur, hálsæðar, þind og 1 kg mör. Vömb og keppur skulu vera tæmd af gor og hreinsuð (kalónuð).

4. gr.

Reglugerð þessi er sett samkvæmt heimild í lögum nr. 30 28. apríl 1966 um meðferð, skoðun og mat á sláturafurðum og öðlast gildi þegar í stað.

Landbúnaðarráðuneytið, 6. september 1990.

Steingrímur J. Sigfússon.

Jón Höskuldsson.

REGLUGERÐ

um samvinnu heilsugæslustöðva í Reykjavíkurlæknishéraði og um kjör fulltrúa starfsmanna í stjórnir þeirra.

1. gr.

Formenn stjórna heilsugæsluumdæma í Reykjavík, ásamt héraðslækni, mynda samstarfsráð heilsugæslustöðva í Reykjavík. Samstarfsráðið skiptir með sér verkum.

Hlutverk ráðsins er að annast yfirstjórn skrifstofu heilsugæslustöðva í Reykjavík, ráðningu sameiginlegs framkvæmdastjóra stöðvanna svo og annars starfsfólks skrifstofunnar.

Samstarfsráð gerir tillögur til heilbrigðismálaráðs og ráðherra um samræmingu þjónustu heilsugæslustöðvanna, þ. á m. um þá þjónustu, sem ekki er talið nauðsynlegt að veita á öllum stöðvum, heldur á einni eða fleiri stöðvum, og hvar henni skuli þá komið fyrir. Samstarfsráð gerir með sama hætti tillögur um skipan vaktþjónustu heilsugæslustöðvanna.

2. gr.

Rekin skal ein sameiginleg skrifstofa fyrir heilsugæslustöðvar í Reykjavík, er annist fjármál og daglegan rekstur stöðvanna, undir stjórn framkvæmdastjóra. Framkvæmdastjóri skal uppfylla sömu kröfur og gerðar eru til framkvæmdastjóra sjúkrahúsa, sbr. 29. og 30. gr. laga nr. 59/1983, um heilbrigðisþjónustu, með síðari breytingum.

3. gr.

Starfsmannaráð skal starfa við hverja heilsugæslustöð í Reykjavík og gildir um kjörgengi, kosningu og störf þeirra reglugerð nr. 413/1973, um starfsmannaráð sjúkrahúsa.

Starfsmannaráð heilsugæslustöðva hvers heilsugæsluumdæmis í Reykjavík kjósa einn aðalfulltrúa og einn til vara í stjórn heilsugæslustöðva hlutaðeigandi umdæmis. Framkvæmdastjóri sbr. 2. gr., sér um að kosningar í starfsmannaráð og kjör fulltrúa í stjórnir heilsugæslustöðva fari fram.

4. gr.

Reglugerð þessi, sem sett er með stoð í 2. mgr. 18. gr. laga nr. 75/1990, um breyting á lögum nr. 59/1983, um heilbrigðisþjónustu, með síðari breytingum, öðlast gildi þegar í stað.